

19756 能踐其言也。而對於新政府遂不無失望。

葡民既失望於新政府。而王黨又力謀恢復。故新政府方注全力於防遏。造船制械。日不暇給。而未遑他顧。蓋葡廢王雖出居於英。而常與王政黨員。集議海外。王黨之在國內者。時復蠢動。暴徒又屢起變亂。今年選舉時。王黨欲乘間起事。以有備不果。利司波阿府內。人心洶洶。富者多寄其儲蓄於外國銀行。外人之旅葡者。亦皆樹其國旗於門外。以免亂事之波及。新政府雖時偵知王黨之謀。逮捕鎮壓。而亂機卒未殄。且葡國之軍隊素反側。平日惟以求增餉望轉職爲事。蔑視紀律。兵士好反抗其長官。並有秘密結社之舉動。當共和黨起事之先。其黨之新聞紙。徧佈於營中。革命時最爲盡力之隊兵第一聯隊。購入者且日五十部。觀此則軍隊之價值。可以想見。故共和黨雖賴其力。然以此等無政府主義之徒黨。易於鼓動。他日若繼續其行爲。必致國家潰亂。亦未嘗不深慮之。今者向背不常之軍隊。雖隸於新政府之下。而時有反亂之恐。此亦足增新政府之憂者也。


且排斥僧侶。亦爲共和黨目的之一。葡國之僧侶分三派。一曰全西德派。設康樸理道大學。爲葡國惟一之教育及理學普及機關。多通曉物理化學博物之學者。一曰弗蘭西斯康派。頗發表

近世之學說。羅馬教會。禁止其發行。兩派爭鬪甚力。時有所聞。一曰道密尼坎派。昔亦與全西德派爲敵。今則將絕。此等僧侶。知識卑下。葡民反對之者多。共和黨對於僧侶。素抱惡感。而疾視全西德派尤甚。屢贊成排斥之政策。新政府成立後。漸見實行。然教皇則痛詆之。斥爲仇敵。僧侶亦有謀所以反對之者。雖能力薄弱。殆無足慮。而當此王黨力謀恢復時。或且爲所利用。而增加其反動力。則新政府所可憂者。此又其一也。

嗟夫。葡國三百年來。變亂相尋。國之中絕者屢。而王室驕恣政黨專橫又如此。雖有善者。無如之何。王政之顛覆。豈在數年來之近因。然以葡民之貧而且愚。則改絃更張。固非可於咄嗟之間收其効。新政府之慘澹經營。已非易事。而況王黨之陰謀。復擊其肘。且僧侶之反抗。軍隊之思亂。皆足以紛其心。故雖承財政紊亂之後。不得不悉索敝賦。以專用於偵捕。而推廣教育減輕租稅之豫期。只能置爲後圖。一任國民之失望。而向所謂撥亂反正如運之掌者。幾成虛語矣。此固新政府日夕焦勞。而無可如何者也。然鵝蚌之爭。相持不下。必將有坐享漁人之利者。吾恐王政既顛覆。共和政府或將繼之。而他人入室。復有如百年前之拿破崙者。因不禁爲新政府危。而願彼之抵抗新政府者一深長思也。

紀廣州亂事

杜山佳



廣州滿洲副都統兼署將軍孚琦


此次廣州革黨。以數十人攻撲督署。軍械銳利。氣勢兇勇。殊為近年來所罕見。幸事前已有防範。得以迅速撲滅。而餘黨猶四竄起事。居民風鶴屢驚。今雖一律肅清。而革黨之流亡海外者。尚有蠢動之勢。蓋已亂之道。僅恃兵力。可以治標。不可以治本。正本清源之道。固在政府之整理政務以慰民望。發達經濟以厚民生。而尤以採輿論以達民隱。去壓制以洽民情為急。使四百州以內。不復再有此慘殺之事。則記者之所望也。

緒言

亂事之先聲

三月初十日比人試演飛行機於廣州附郭之燕塘。時廣州將軍增祺奉 召入觀。滿洲副都統孚琦。兼署將軍。察看燕塘地勢。乘便往觀。觀畢返。行至東門城外諮議局之前。突有一身穿藍衣者。迎面放槍擊之。中額。與夫乘輿遁。衛兵圍散。將軍之子同往。亦急避入諮議局。以電話告警。兇手復連放三槍。中頭部腹部。遂棄槍向東門逸。迨巡警道等聞警奔視。則將軍已殞命矣。兇手旋為巡士尾追捕獲。粵督張鳴岐即電奏。奉 旨

溫生財





岐鳴張督總廣兩

切實研訊。並以張鳴岐兼署將軍。兇手溫生財。嘉應州內村人。素充長隨。旋出洋學習工藝。聞黨人演說革命宗旨。甚為信服。遂投入革命黨。回華後。專持暗殺主義。願犧牲性命。非與將軍挾有私仇。亦非有人主使。及有知情同謀之人。雖投身革命黨。而於黨中佈置。茫無所知。張督據供入奏。十七日請旨正法。旋奉旨照陣亡例賜卹。並予諡恪愍。溫生財初就獲時。曾言本欲刺粵督。以與從相似而誤。又言誤以李琦為增祺。蓋此事雖屬暗殺。似與此次亂事。性質不同。然亦亂事之先聲也。

督署之轟擊

李將軍被刺後。粵省屢有革命黨起事之謠。張督與水師提督李準及文武官吏。即廣派偵探。並調防營至省。嚴密防範。旬日內水陸兵輪營汛。迭搜得私運軍火多起。二十九日申初。署巡



準李督提師水東廣

警道王秉恩拿獲革命黨九人。西正。革命黨數十人。懷挾槍彈。佩白帶為號。由司後街衝至督署。黨首五人洋裝乘肩輿。至督署頭門外。下輿。即響號放槍。衛兵閉左側門。為炸彈轟開。衛兵退至大堂。革命黨一人首先前進。兩手持槍。向大堂直轟。隨轟隨擲炸彈。一人一手放槍。一手吹號。數十人隨其後。蜂擁而入。各衛兵伏於大堂旁之磚門後放槍擊之。當先者中彈斃。吹號者繼之。餘黨亦多斃者。十餘人攻入二堂。衛隊管帶金振邦陣亡。時張督已暫避署外。革黨入內署。徧覓不得。遂縱火。

19760 出至二堂前道。衛兵伏擊之。多槍斃。生擒者二人。革黨紛竄。衛兵多傷者。時督署西偏箭道火起。延及二堂。衛兵仍專力截擊。水提及各路援兵皆到。與革黨巷戰良久。復分投圍捕。餘黨散匿。閉城嚴搜。二更火熄。當革黨撲督署時。另分一股往劫軍械庫。以有備被擊退。又分十餘人出歸德門。十餘人出大南門。迎堵外來援軍。由歸德門入援之官軍。與革黨遇於高第街。擊斃革黨一名。餘黨紛竄。水師之登岸者及水陸各防兵。由大南門入。至雙門底。與革黨遇。迎頭痛擊。革黨奪路向內城逸。擒一人。革黨並分一隊搗旗下街。以先已戒嚴。不得逞。被旗兵轟斃多人。是役共斃革黨二十餘人。生擒八人。官軍亦有死傷。訊生擒之革黨。均直認不諱。並稱該股共有三百餘人。由香港及省外分搭輪船火車。陸續來省。原擬二十六二十八日起事。均因準備不及。改遲初一。因今日三點鐘。同志九人被獲。



革黨七名在山上之狀

故即時轟擊督署。是夜。張督即電致軍機處代表。奉旨著張鳴岐認真督飭文武。搜捕餘黨。從嚴懲治。三十日張督駐水師提督行轅。令嚴閉城門。並令輪船火車均停開。且嚴查往來電信。官軍搜捕革黨。屢接戰。互有死傷。革黨漸散。張督乃以餘孽肅清電奏。蓋此次革黨。以事機已泄。故為此先發攻人之計。發速禍小。在清廷所謂僥倖矣。

省外餘黨之起事

省外革黨知事泄。東甯順德縣之樂從墟。午刻。有革黨數人。在該處演說。初聚數十人。約數分鐘時。已有數百人。各鋪戶紛紛閉門。黨人愈聚愈多。遂四處豎旗。其旗四面皆紅。角藍色。中作白圓形。佔圓練分局為大營。奪局中槍械。聲言接濟省城。日夜煽惑鄉人入黨。樂從巡警。以衆寡不敵。匿不過問。革黨不擾居人。且出安民示。河南新村大墟之鉅匪李登。率黨羽往附。四月初一日。革黨至



陳亞才

宋瑛琳

韋雲卿

徐滿凌

梁緯

徐亞培

鰲溪公局搶奪槍械。聲勢益震。聚至千數百人。粵督聞警。急派江鞏江固兩兵輪往援。是晚至。用探海燈照射。革黨見是兵輪。紛紛散去。初二日下午。革黨大股由樂從墟渡河。取道瀾石。進襲佛山。半渡時。江固江鞏兩輪。發砲轟擊。江鞏輪桅頂有



羅聯

饒輔廷

羅裕坤

機關砲。同時可發二百四十響。擊斃革黨百餘名。紛紛落水。江鞏管帶亦中槍斃。并傷水勇五名。輪中飛彈如雨。各兵仍力戰。革黨退。由淺水河窄渡。兵輪吃水深。不能前襲。革黨抵佛山。約三百人。入正埠。由馬頭撲攻。並預伏內應。焚都司署。

19762 機其頭門。旋炸毀正埠警卡。爲兵輪擊退。轉至鎮外之通濟橋。與防兵遇。擲發炸彈。斃其管帶馬惠中及勇二十七名。革黨多死傷者。防兵仍扼守抵禦。各防兵團勇踵至。革黨戰不利。退守通濟橋對面之山崗。時順德屬之容奇、桂州、龍江、龍山、甘竹、馬甯、南海屬之九江等處。有會衆揚榜招人起事。四面響應。勢甚危急。初二早。香山協馳駐水藤。遮斷龍江龍山會匪來路。故不能與樂從墟革黨相接。順德協亦繼至。李水提派統領吳宗禹率大隊由省城乘火車至佛山。勦辦革黨。革黨四散。初三日。事定。各處會衆皆竄。李登亦潛回河南。

亂事之餘波

四月初初二。省城仍停止輪船火車。初一日西門開數小時。仍閉。人心惶惑。多遷徙以避亂。初三早。西關一帶。傳言佛山文武皆遇害。城門又閉。辰初。聞礮聲。每放三響。約七八次。已初。紛傳石圍塘槍聲極多。遂疑革黨已至。及午。忽聞礮聲極烈。時大雨如注。有數人因無傘急行。衆一哄隨之。途人紛紛驚走。巡警亦張皇奔避。並呼商店關門。西關一帶民居鋪戶。無不關門停市。逾時雨霽。勢始定。當驚擾時。隔海之河南。城東之燕塘。均同時紛擾。駐城外之二標新軍。疑城中有變。咸戒嚴以待。泊白鵝潭各國兵輪。因路上紛擾。亦整隊上沙面守衛。佛山亂平。張督李提出示曉諭。安定人心。於省城一帶及外府各屬。均各添調大兵。並加派輪船兵船。水陸梭巡。又在省添募保安隊三營。由紳商聯絡商團。互相保衛。省城大小南門。大小東門、文明門、西門、歸德門、均照常開放。仍派兵防

守稽查保護。是役革黨雖不擾及外人。而英德法美。皆調派兵輪來粵。以保護僑商。居民當官軍與革黨持戰時。亦有被彈傷斃者。張督李提。以惠州潮州有起事之謠。會電海軍部。請調軍艦來粵巡惠潮洋面。海軍部允派五艘。並奏請調廣西提督龍濟光帶兵來粵。以資鎮懾。奉旨准行。初七日午刻。張督偵知革黨匿德良窩溝。派大兵圍捕。革黨僅數人。持短槍抵拒。斃一人。餘均突圍他竄。

肅清後之獎勵

張督電奏。粵垣革黨。一律肅清。人心大定。佛山順德革軍。均已擊散。請將尤爲出力員弁。先予破格獎勵。初九日奉上諭。此次廣東變起倉猝。大局岌岌。幸賴將士用命。用能迅速撲滅。逆首就殲。在事各員。踴躍爭先。自應量予獎勵。以資激勸。廣東水師提督李準。著賞穿黃馬褂。署巡警道王秉恩。著賞給振勇巴圖魯名號。統領廣東候補道吳宗禹。著仍以道員記名簡放。並賞給勳勇巴圖魯名號。署廣州協副將瓊州鎮總兵黃培松。著賞加頭品頂戴。並賞給卓勇巴圖魯名號。四川補用守備吳十高。著以參將留於廣東外海水師儘先補用。並賞加副將銜。用示鼓勵。現在廣東伏莽尙多。仍著張鳴岐督飭營隊。嚴密設防。切實偵緝。俟龍濟光統帶抽調營隊到粵後。再將防守事宜。妥籌布置。以靖內奸而消隱患。此次廣州亂事。旬日而定。人咸多張督辦理之迅速。凡擒獲之革黨。一訊供。卽正法。不復多所株連。蓋張督之意。固第求靖亂而止。而不欲多殺人也。曾對粵紳及新聞記者述其意見云。